

合部金光明經

卷六

百三十六
化六

45149



元禧七年丙子二月日重脩

皇國聖廟 帝漸級昌

佛日增輝 佛容輪常轉

山州永安寺法金剛院置

法金剛院



合部金光明經卷第六

隋大興善寺沙門 寶貴合入

銀主陀羅尼品第十一

爾時世尊告命者奢利弗言奢利弗此諸菩薩熏修諸法所謂諸菩薩母菩薩皆行菩薩攝受有法本名不染著陀羅尼如是語已命者奢利弗白佛言世尊言陀羅尼陀羅尼者此何句義為陀羅尼非陀羅尼世尊為方處非方處如是語已佛告命者奢利弗言甚善甚善奢利弗如汝發行大乘信解大乘增力大乘如汝所說其陀羅尼非方處非不方處非法非不法非過去非未來非現在非事物

非不事物非緣非不緣非不行非不行無有法
生亦無有滅但為利益菩薩故如是說是陀
羅尼所作道合力住所謂佛諸功德佛戒佛
學佛密意佛出生所謂法本名不染著陀羅
尼如是語已命者奢利弗白佛言世尊願為
演說修伽多願為演說此陀羅尼法本菩薩
於中住已當成不退轉於阿耨多羅三藐三
菩提當成正願不依正法自性辯才當得希
有自安住道所謂得陀羅尼故如是語已佛
告命者奢利弗言甚善甚善奢利弗如是如
是奢利弗得陀羅尼菩薩應言如佛奢利弗
得陀羅尼菩薩若有供養尊重承事供給者

當如供養於佛奢利弗若當有聞此陀羅尼
若持若信解彼等還應如是供養不離菩提

心如佛無異奢利弗此是陀羅尼

哆唵吽一那陀羅尼二鬱多囉尼三三鉢囉

帝駛癡去聲多四修那摩五修鉢囉帝沙吒六

鼻闍夜婆羅七薩帝耶鉢囉帝闍若八修阿

噓訶九闍那摩帝十鬱多波馱泥十一阿婆那

摩泥十二阿鼻師馱泥十三阿鼻婢耶訶囉十四首

婆娑帝十五修泥尸利十六婆睽窮婆十七阿鼻

婆陀十八娑婆訶

奢利弗此是陀羅尼句名不染著正住正受

作已若菩薩持者彼若一劫若百劫若干劫

若百千劫不捨諸願彼身當能降伏刀杖毒藥惡獸皆能降伏何以故奢利弗此不染著陀羅尼過去諸佛母未來諸佛母現在諸佛母所謂法本名不染著陀羅尼奢利弗若有十阿僧祇三千大千世界七寶滿中作已施與諸佛世尊及以上勝衣服飲食當持供養彼等諸佛阿僧祇劫若於此不染著陀羅尼法本當持一句此生福德過多於彼何以故奢利弗此不染著陀羅尼法本是諸佛母故金光明經大辯天品第十二爾時大辯天神白佛言世尊是說法者我當益其樂說辯力令其說法莊嚴次第善得大

智若是經中。有失文字句義。違錯我能令是
說法比丘次第還得。能與惣持。令不忘失。若
有衆生於百千佛所種諸善根。是說法者爲
是等。故於閻浮提廣說流布。是妙經典。令不
斷絕。復令無量無邊衆生得聞。是經當令是
等悉得猛利不可思議大智慧。聚不可稱量
福德之報。善解無量種種方便。善能辯暢一
切諸論。善知世間種種伎術。能出生死。得不
退轉。必定疾得阿耨多羅三藐三菩提。
我今復欲說其呪藥洗浴法。若有比丘受持
此經。復有衆生深樂聽聞。是經典者爲是人
等。能除一切惡星災恠。除其疫氣疾病生死。

之咎惡口闐諍縣官口舌夜卧惡夢惡神障
難厭蠱呪咀一切惡障悉得除滅是諸衆生
若有聽受是經法者應當誦持此呪呪藥作
湯洗浴其身是故我說呪藥之法取好菖蒲
雄黃茂菝香尸利沙合歡昔松香奢彌苟杞草藿
香山高高草沉香桂皮丁香風香白膠香安息
香阿蘿娑煎香零陵香艾納香梅檀香石雄
黃青木香鬱金香附子芥子縮師蜜鬱金根
那羅陀草龍華如是等藥各等分採之用鬼
星日和合擣之擣訖以此呪呪之一百八遍
而說呪曰

唵啞蘇坛 羯利坛 迦摩唵寫闍怒迦羅

池、呵怒迦囉池、因陀羅闍離、奢迦提離、
波奢提離阿跋叻、迦斯該那、拘都俱、迦
毗羅迦毗羅末坛、尸羅末坛、珊題頭摩跋
坛、尸梨尸梨薩帝耶薩啞帝、娑婆訶
以牛糞塗地縱廣七肘以爲道場以華散著
道場中遍覆其地懸繒幡蓋用金椀銀椀盛
石蜜漿蒲桃漿蜜漿乳汁置於道場外四角
頭各置一人身帶牟鉀手持戎仗隱身而立復
須四童女子各著淨衣奉持華瓶亦於道場
四角而立燒膠香供養不得斷絕復作五色
神幡四角安寶幢五種音聲伎樂以新淨器
盛其香湯置道場中於先結界然後洗浴說

此結界呪曰

哆經吽

遏邏羈

那耶咻

醯梨尸

梨

企企梨

娑婆訶

以呪呪水二十一遍散著四方復說呪湯呪

身呪先呪身一百八遍復呪湯一百八遍以

此湯洗浴其身

哆經吽

娑伽遲

毗伽遲

毗伽茶跋帝

娑婆訶

誦呪洗浴訖行者為其人發弘誓願願四

方神星覆護身命常令休吉無諸障難惡星

災恠悉無所畏四大安吉無諸疾患一切怖

畏悉得除愈復說呪身呪願呪

娑泐毗娑泐 娑婆訶 娑伽遲 毗伽遲

娑婆訶娑伽囉 三浮哆耶 娑婆訶 軋

陀摩陀那耶娑婆訶 且羅捷吡耶娑婆訶

阿波羅耆哆毗梨地耶娑婆訶 醯摩婆三

浮哆耶 娑婆訶 阿且彌羅薄迦哆羅耶

娑婆訶 南無娑伽婆帝跋藍摩祢那摩娑

羅薩皞帝 摩訶提鞞四填妬蔓哆羅般陀

擔婆羅熊摩阿奴蔓若都 娑婆訶

於是大辯天神白佛言世尊若有比丘比丘

且優婆塞優婆夷受持讀誦書寫流通如法

行者若城邑聚落曠野露地塔寺僧房俗人

住處我為是諸人等將諸眷屬作天伎樂來

詣道場除一切病一切惡星災恠除其一切
疫病生死之苦除一切惡口鬪諍縣官口舌
除一切夜卧惡夢除一切惡神障難除一切
厭蠱呪咀除一切惡障若有比丘比丘尼優
婆塞優婆夷受持讀誦此經速度煩惱入阿
毗跋致地向阿耨多羅三藐三菩提以此功
德速成阿耨多羅三藐三菩提
爾時世尊讚大辯天神言善哉善哉大辯天
神能為一切衆生思惟善事能令一切衆生
施其無畏為諸衆生說此呪藥功能利益一
切衆生於是大辯天神禮佛三拜還復故坐
爾時婆羅門憍陳如以呪力故當請大辯天神

亦當恭敬大辯天神一切世間名悉遍到
恒在山中天龍鬼神一切悉敬常披草衣
一脚而立一切諸天悉來到彼欲請天神
願施一切衆生智慧言語辯了能以善言
哆啞吡 茂梨毗梨 阿婆耆 阿婆闍
跋帝興渠梨 彌渠梨 賓伽羅跋帝 鶩
渠灑末利脂蘇摩帝 題奢摩帝 阿祇利
摩祇利多羅遮跋帝 脂脂利尸利彌利
摩脂利波羅移祢 盧迦折師帝 盧迦施
離師帝盧迦畢利易腓陀跋羅帝 毗摩目
企首脂遮利阿波羅帝呵帝呵波羅帝河多
浮地 南牟指南牟脂 摩呵題腓波羅帝

伽利迄那摩摩娑迦濫摩摩浮地阿波羅帝

呵多婆婆妬奢薩多羅奢盧羈單多

羅卑吒迦迦毗耶地踈多經吡摩呵波羅婆

毗醯利彌利醯利彌利毗遮羅妬摩摩

浮地伊梵那摩寫婆伽婆帝毗耶題娑羅

娑跋帝迦羅遲只由離醯利彌利醯利

彌利阿婆呵羊彌摩呵題毗佛陀薩知那

達摩薩知那僧伽薩知那因陀羅薩知那

婆婁那薩知那移盧只薩知耶婆題那知

爽薩知那薩知耶婆支柰那阿婆呵羊

彌摩呵題毗哆經吡醯利彌利醯利醯

利毗遮邏都孛題摩摩南無波女伽婆帝摩

呵題

毗娑羅娑波帝

昧瑱妬曼羅多波

陀 娑婆訶

爾時憍陳如娑羅門以偈讚大辯天神

一切諸鬼神

今當至心聽

我今欲讚歎

大聖辯天神

一切諸女中

辯天最為尊

諸天修羅等

輒闋及夜叉

世間諸聖中

一切最為尊

種種諸功德

以用莊嚴身

眼如優波羅

智慧功德相

譬如七寶珠

世間甚難見

我今欲讚嘆

甚深最勝語

決定施與一切衆

最勝最高無過者

相好端嚴潤衆生

形貌清淨如蓮華

眼目脩揚勝一切

身體端正視無厭

種種莊嚴諸相好
智慧悉能遍一切
乘師子上現人形
衆生見者如滿月
智慧甚深難思議
能施衆生一切願
帝釋修羅諸天等
一切大衆恒讚嘆
供養清淨愍重心
於怖畏處恒防護
清淨誦此七言偈
須者給與無所乏

光明清淨如月光
強記不忘能揔持
體有八臂莊嚴身
語言辯了聲微妙
以此智慧恒圓滿
於一切衆最爲尊
軋闍婆等及夜叉
我某甲等當恭敬
以此願故皆吉祥
若復有人於晨朝
我令是人悉滿願

說是偈已令一切衆悉發阿耨多羅三藐三
菩提心

金光明經功德天品第十三

爾時功德天白佛言世尊是說法者我當隨
其所須之物衣服飲食卧具醫藥及餘資產
供給是人無所乏少令心安住晝夜歡樂正
念思惟是經章句分別深義若有衆生於百
千佛所種諸善根是說法者爲是等故於閻
浮提廣宣流布是妙經典今不斷絕是諸衆
生聽是經已於未來世無量百千那由他劫
常在天上人中受樂值遇諸佛速成阿耨多
羅三藐三菩提三惡道苦悉畢無餘世尊我

已於過去寶華功德海琉璃金山照明如來
應供正遍知明行足善逝世間解無上士調
御丈夫天人師佛世尊所種諸善根是故我
今隨所念方隨所視方隨所至方今無量百
千衆生受諸快樂若衣服飲食資生之具金
銀七寶真珠琉璃珊瑚琥珀璧玉珂貝悉無
所乏若有人能稱金光明微妙經典爲我供
養諸佛世尊三稱我名燒香供養供養佛已
別以華香種種美味供施於我灑散諸方當
知是人即能集聚資財寶物以是因緣增長
地味地神諸天悉得歡喜所種穀米芽莖枝
葉果實滋茂樹神歡喜出生無量種種諸物

我時慈念諸衆生故多與資生所須之物世
尊於此北方毗沙門王有城名曰阿尼曼陀
其城有園名德華光於是園中有最勝園名
曰金幢七寶極妙此即是我常止住處若有
欲得財寶增長是人當於自所住處當淨掃
灑洗浴其身著鮮白衣妙香塗身爲我至心
三稱彼佛寶華琉璃世尊名号禮拜供養燒
香散華亦當三稱金光明經至誠發願別以
香華種種美味供施於我散灑諸方爾時當
說如是章句

婆梨富樓那遮利 三曼陀達舍尼 摩訶
毗呵羅伽帝 三曼陀毗那伽帝 摩訶伽

梨波帝 波娑彌 薩婆唎三曼陀 修鉢

梨富隸 阿夜那達摩帝 摩訶毗鼓畢帝

摩訶彌勒皞僧祇帝 醯帝 蕤三博祇憇帝

三曼陀阿吽 阿菟娑羅尼

此下呪八行新翻出還是功德天說與舊呪不同不知何者是非故並寫出之

南無一切三世佛 南無一切諸菩薩

南無彌勒菩薩等 我今當欲說神呪

唎經吽 波梨富樓那遮利 三曼陀達舍

尼 摩訶毗呵羅伽帝 三曼陀毗陀那伽

帝 摩訶迦葉梨耶波利波羅波祢薩婆利

陀三曼多修鉢利帝富隸那阿夜那達摩多

摩訶俱畢帝 摩訶彌勒帝盧皞僧祇帝帝

醯帝莛 僧祇晞 帝三曼陀遏咄何菟波

羅丘 莎波呵

是灌頂章句畢定吉祥真實不虛等行衆生
及中善根應當受持讀誦通利七日七夜受
持八戒朝暮淨心香華供養十方諸佛常爲
己身及諸衆生迴向具足阿耨多羅三藐三
菩提作是誓願令我所求皆得吉祥自於所
居房舍屋宅淨潔掃除若自任處若阿蘭若
處以香泥塗地燒微妙香敷淨好座以種種
華香布散其地以待於我我於爾時如一念
頃入其室宅即坐其座從此日夜令此居家
若村邑若僧坊若露處無所乏少若錢若金

銀若珍寶若牛羊若穀米一切所須即得具足
悉受快樂若能以已所作善根最勝之分迴
與我者我當終身不遠其人於所住處至心
護念隨其所求令得成就應當至心禮如是
等諸佛世尊其名曰寶勝如來無垢熾寶光
明王相如來金炎光明如來金百光明照蔽
如來金山寶蓋如來金華炎光相如來大炬
如來寶相如來亦應敬禮信相菩薩金光明
菩薩金藏菩薩常悲菩薩法上菩薩亦應禮
敬東方阿闍如來南無寶相如來西方無量
壽佛北方微妙聲佛

金光明經堅牢地神品第十四

爾時地神堅牢白佛言世尊是金光明經若
現在世若未來世在在處處若城邑聚落若
山澤空處若王宮宅世尊隨是經典所流布
處是地分中敷師子座令說法者坐其座上
廣演宣說是妙經典我當在中常作宿衛隱
蔽其身於法座下頂戴其足我聞法已得服
甘露無上法味增益氣力而此大地深十六
萬八千由旬從金剛際至海地上悉得衆味
增長具足豐壤肥濃過於今日以是之故闍
浮提內藥草樹木根莖枝葉華果滋茂美色
香味皆悉具足衆生食已增長壽命色力辯
安六情諸根具足通利威德顏貌端嚴殊特

成就如是種種等已所作事業多。得成辦有大勢力。精勤勇猛。是故世尊閻浮提內安隱。豐樂人民熾盛。一切衆生多受快樂。應心適意。隨其所樂。是諸衆生得是威德大勢力已。能供養是金光明經及恭敬供養受持經者。四部之衆我於爾時當往其所爲諸衆生受快樂。故請說法者。廣令宣布如是妙典。何以故。世尊是金光明若廣說時。我及眷屬所得功德。倍過於常。增長身力。心進勇銳。世尊我服甘露。無上味已。閻浮提地縱廣七千由旬。豐壤倍常。世尊如此大地衆生所依。悉能增長一切所須之物。增長一切所須物已。令諸

衆生隨意所用受於快樂種種飲食衣服卧
具宮殿屋宅樹木林苑河池泉井如是等物
因依於地悉皆具足是故世尊是諸衆生爲
知我恩應作是念我當畢定聽受是經供養
恭敬尊重讚歎作是念已即從住處若城邑
聚落舍宅空地往法會所聽受是經旣聽受

已還其所止各應相慶作如是言我等今者
聞此甚深無上妙法已爲攝取不可思議功
德之聚值遇無量無邊諸佛三惡道報已得
解脫於未來世常生天上人中受樂是諸衆
生各於住處若爲他人演說是經若說一喻
一品一緣若復稱歎一佛一菩薩一四句偈

乃至一句及稱是經首題名字世尊隨是衆
生所住之處其地具足豐壤肥濃過於餘地
凡是因地所生之物悉得增長滋茂廣大令
諸衆生受於快樂多饒財寶好行惠施心常
堅固深信三寶

爾時佛告地神堅牢若有衆生乃至聞是金
光明經一句之義人中命終隨意往生三十
三天地神若有衆生爲欲供養是經典故莊
嚴屋宅乃至張懸一幡一蓋或以一衣欲界
六天已有自然七寶宮殿是人命終即往生
彼地神於諸七寶宮殿之中各各自然有七
天女共相娛樂日夜常受不可思議微妙快

樂爾時地神白佛言世尊以是因緣說法比丘坐法座時我常晝夜衛護不離隱蔽其形往法座下頂戴其足世尊若有衆生於百千佛所種諸善根是說法者爲是等故於閻浮提廣宣流布是妙經典令不斷絕是諸衆生聽是經已未來之世無量百千那由他劫於天上人中常受快樂值遇諸佛疾成阿耨多羅三藐三菩提三惡道苦悉斷無餘

金光明經散脂鬼神品第十五

爾時散脂鬼神大將軍及二十八部諸鬼神等即從坐起偏袒右肩右膝著地白佛言世尊是金光明微妙經典若現在世及未來世

在在處處若城邑聚落若山澤空處若王宮
宅隨是經典所流布處我當與此二十八部
天鬼神等往至彼所隱蔽其形隨逐擁護是
說法者消滅諸惡令得安隱及聽法衆若男
若女童男童女於是經中乃至得聞一如來
名一菩薩名及此經典首題名字受持讀誦
我當隨侍宿衛擁護悉滅其惡令得安隱及
國邑城郭若王宮殿舍宅空處皆亦如是卅
尊何因緣故我名散脂鬼神大將唯然卅尊
自當證知卅尊我知一切法一切緣法了一
切法知法分齊如法安住一切法如性於一
切法含受一切法卅尊我現見不可思議智

光不可思議智炬不可思議智行不可思議
智聚不可思議智境世尊我於諸法正解正
覩得正分別正解於緣正能覺了世尊以是
故名散胎大將世尊我散胎大將令說法者
莊嚴言辭辯不斷絕衆味精氣從毛孔入充
益身力心進勇銳成就不可思議智慧入正
憶念如是等事悉令具足心無疲厭身受諸
樂心得歡喜以是之故能爲衆生廣說是經
若諸衆生於百千佛所種諸善根說法之人
爲是衆生閻浮提內廣宣流布是妙經典令
不斷絕無量衆生聞是經已當得不可思議
智聚攝取不可思議功德之聚於未來世無

量百千劫人天之中常受快樂於未來世值
遇諸佛疾得證成阿耨多羅三藐三菩提一
切衆苦三惡趣分永滅無餘南無寶華功德
海瑠璃金山光照如來應正遍知南無無量
百千億那由他莊嚴其身釋迦如來應正遍
知熾然如是微妙法炬南無第一威德成就
衆事大功德天南無不可思量智慧功德成
就大辯天

金光明經正論品第十六

爾時佛告地神堅牢過去有王名力尊相其
王有子名曰信相不久當受灌頂之位統領
國土爾時父王告其太子信相世有正論善

治國土我於管時曾為太子不久亦當紹父
王位爾時父王持是正論亦為我說我以是
論於二萬歲善治國土未曾一念以非法行
於自眷屬情無愛著何等名為治世正論
地神爾時力尊相王為信相太子說是偈言
我今當說諸王正論為利衆生斷諸疑惑
一切人王諸天天王應當歡喜合掌諦聽
諸王和合集金剛山護世四鎮起問梵王
大師梵尊天中自在能除疑惑當為我斷
云何是人得名為天云何人王復名天子
生在人中處王宮殿正法治世而名為天
護世四王問是事已時梵尊師即說偈言

汝令雖以此義問我我要當爲一切衆生
敷揚宣說第一勝論因集業故生於人中
王領國土故稱人王處在胎中諸天守護
或先守護然後入胎雖在人中生爲人王
以天護故復稱天子三十三名以已德
分與是人故稱天子神力所加故得自在
遠離惡法遮令不起安住善法修令增廣
能令衆生多生天上半名人王亦名執樂
羅刹魁膾能遮諸惡亦名父母教誨修善
示現果報諸天所護善惡諸業現在未來
現受果報諸天所護若有惡事縱而不問
不治其罪不以正教捨遠善法增長惡聚

故使國中多諸姦鬪三十三天各生瞋恨
由其國王縱惡不治壞國正法姦詐熾盛
他方怨敵競來侵掠自家所有錢財珍寶
諸惡盜賊共相劫奪如法治世不行是事
若行是者其國殄滅譬如狂象蹋蓮華池
暴風卒起屢降惡雨惡星數出日月無光
五穀果實咸不滋茂由王捨政使國飢饉
天於宮殿悉懷愁惱由王暴虐不修善事
是時天王各相謂言是王行惡與惡為伴
以造惡故速得天瞋以天瞋故不久國敗
非法兵仗姦詐鬪訟疾疫惡病集其國土
諸天即便捨離是王令其國敗生大愁惱

兄弟姊妹眷屬妻子孤迸流離身亦滅亡
流星數墮二日並現他方惡賊侵掠其土
人民飢饉多諸疾疫所重大臣捨離薨亡
象馬車乘一念喪滅諸家財產國土所有
互相劫奪刀兵而死五星諸宿違失常度
諸惡疾疫流遍其國諸受寵祿所任大臣
及諸群僚專行非法如是行惡偏受恩遇
修善法者日日衰減於行惡者而生恭敬
見修善者心不願錄故使世間三異並起
星宿失度降暴風雨破壞甘露無上正法
衆生等類及以地肥恭敬弊惡毀諸善人
故天降雹饑餓疫死穀米果實滋味衰減

多病衆生充滿其國甘美盛果日日損減
苦澁惡味隨時增長本所遊戲可愛之處
悉皆枯悴無可樂者衆生所食精妙上味
漸漸損減食無肌膚顏貌醜陋氣力衰微
凡所食噉不知厭足力精勇猛悉滅無有
懶惰懈怠充滿其國多有疾苦逼切其身
惡星變動羅刹亂行若有人王行於非法
增長惡伴損人天道於三有中多受苦惱
起如是等無量惡事皆由人王愛著眷屬
縱之造惡捨而不治若為諸天所護生者
如是人王終不為是有行善者得生天中
行不善者墮在三塗三十三天皆生焦熱

由王縱惡捨而不悔違逆諸天及父母勅
不能正治則非孝子起諸姦惡壞國土者
不應縱捨當正治罪是故諸天護持是王
以滅惡法修集善根現世正治得增王位
應各為說善不善業能示因果故得為王
諸天護持隣王佐助為自為他修正治國
有壞國者應當正教為命及國修行正法
不應行惡惡不應縱所有餘事不應壞國
要因多姦然後傾敗若起多姦壞於國土
譬如大象壞蓮華池怨恨諸天故天生惱
起諸惡事彌滿其國是故應隨正法治世
以善化國不順非法寧捨身命不受眷屬

於親非親心常平等視親非親和合爲一
正行名稱流布三界正法治國人多行善
常以善心仰瞻國王能令天衆具足充滿
是故正治名爲人王一切諸天愛護人王
猶如父母擁護其子故令日月五星諸宿
隨其分齊不失常度風雨隨時無諸災禍
令國豐實安樂熾盛增益人民諸天之衆
以是因緣諸人王等寧捨身命不應爲惡
不應捨離正法珍寶由正法寶世人愛樂
常當親近修正法者聚集功德莊嚴其身
於自眷屬常知止足當遠惡人修治正法
安止衆生於諸善法教勅防護令離不善

是故國土安隱豐樂 是王亦得威德具足
 隨諸人民所行惡法 應當調伏如法教詔
 是王當得好名善譽 善能攝護安樂衆生

合部金光明經卷第六

化

奢利

上式反遮反

哆

丁賀反啞

啞

上徒結反志法師云正

下音他

流

女也

反此是正音

囉

力力反何反

馱

唐賀反一

本

作

婆

可下反必

厭

蠱

下上音一

馱

音史恐誤

宿

二

宿昔松

上音甘

苟杞

二垢起音

藿香

郭反兄

蒿

弓上反息

或作

白膠

下音艾

吾蓋反葦

龍

名一補尔

草

垣

諺

反古哀珊

反蘇干啞

反知一

牟

江上音甲

予

戎



